

სოფელ ბერიეთში წმინდა ელია წინასწარმეტყველის სახელობის ეკლესიის რეაბილიტაცია დასრულდა



ბაღდათის მუნიციპალიტეტის სოფელ ბერიეთში წმინდა ელია წინასწარმეტყველის სახელობის ეკლესიის რეაბილიტაცია დასრულდა. რეაბილიტაცია საქართველოს კულტურული მემკვიდრეობის დაცვის ეროვნული სააგენტოს ორგანიზებითა და ფონდი „ქართუს“ დაფინანსებით განხორციელდა.

სააგენტოს ინფორმაციით, ეკლესია მძიმე მდგომარეობაში იყო, კედლები ჩამონგრეული, ხოლო სახურავი მთლიანად იყო ჩამოშლილი.

შესრულებული სამუშაოების შედეგად ტაძრის ოთხივე ფასადებზე მოიხსნა მორყეული და კირდულაბგამოცლილი ქვები, გაიწმინდა და ხელახლა მოერგო; კირდულაბის ხსნარზე მოერგო მარკირებული თლილი ქვები, ასევე გაითალა ახალი ქვები და მოპირკეთდა ტაძრის ოთხივე ფასადი; ქვიშაქვით აღდგა კარნიშები; სუფთად თლილი ქვით მოეწყო კონქი და კამარა.

ამასთან, რეაბილიტაციის ფარგლებში დაიგო იატაკი კირის ხსნარზე, დამზადდა და დამონტაჟდა კარ-სარკმელი. ტაძარი თუნუქით, ლორფინის იმიტაციით გადაიხურა.

სარეაბილიტაციო სამუშაოები შპს „სამშენებლო სარესტავრაციო კომპანიის“ მიერ განხორციელდა.

1tv.ge